



封面設計 姜明

96
K22
14
224

繹

(清)馬
驥撰

史

四

上海古籍出版社

C

115294



欽定四庫全書

史部
釋史卷一百三十二

詳校官檢討臣羅國俊
編修臣裴謙覆勘

覆校官博士臣劉光第
校對官中書臣田尹衡
謄錄舉人臣周元濬

欽定四庫全書

釋史卷一百三十二

屈原流放

宋玉

雲壁縣知縣馬驥撰

欽定四庫全書

釋史
卷一百三十二

史記屈原者名平楚之同姓也為楚懷王左徒博聞強
志明於治亂嫺於辭令入則與王圖議國事以出號令
出則接遇賓客應對諸侯王甚任之上官大夫與之同
列爭寵而心害其能懷王使屈原造為憲令屈原屬草
草未定上官大夫見而欲奪之屈原不與因譏之曰王
使屈原為令眾莫不知每一令出平伐其功曰以為非
我莫能為也王怒而疏屈原屈原疾王聽之不聰也讒
諂之蔽明也邪曲之害公也方正之不容也故憂愁幽
思而作離騷離騷者猶離憂也夫天者人之始也父母
者人之本也人窮則反本故勞苦倦極未嘗不呼天也
疾痛慘怛未嘗不呼父母也屈原正道直行竭忠盡智
以事其君譏人間之可謂窮矣信而見疑忠而被謗能
無怨乎屈原之作離騷蓋自怨生也國風好色而不淫

小雅怨誹而不亂若離騷者可謂兼之矣上稱帝嚳下
道齊桓中述湯武以刺世事明道德之廣崇治亂之條
貫靡不畢見其文約其辭微其志潔其行廉其稱文小
而其指極大舉類過而見義遠其志潔故其稱物芳其
行廉故死而不容自疎濯淖汙泥之中蟬蛻於濁穢以
浮游塵埃之外不獲世之滋垢皜然泥而不滓者也推
此志也雖與日月爭光可也屈平既絀其後秦欲伐齊
齊與楚從親惠王患之乃令張儀往去秦厚幣委質事

欽定四庫全書

卷一百三十三

三

楚曰秦甚憎齊齊與楚從親楚誠能絕齊秦願獻商於
之地六百里楚懷王貪而信張儀遂絕齊使使如秦受
地張儀詐之曰儀與王約六里不聞六百里楚使怒去
歸告懷王懷王怒大興師伐秦秦發兵擊之大破楚師
於丹浙斬首八萬虜楚將屈匄遂取楚之漢中地懷王
乃悉發國中兵以深入擊秦戰於藍田魏聞之襲楚至
鄧楚兵懼自秦歸而齊竟怒不救楚楚大困明年秦割
漢中地與楚以和楚王曰不願得地願得張儀而甘心

焉張儀聞乃曰以一儀而當漢中地臣請往如楚如楚
又因厚幣用事者臣靳尚而設詭辨於懷王之寵姬鄭
袖懷王竟聽鄭袖復釋去張儀是時屈平既疏不復在
位使於齊顧反諫懷王曰何不殺張儀懷王悔追張儀
不及其後諸侯共擊楚大破之殺其將唐昧時秦昭王
與楚婚欲與懷王會懷王欲行屈平曰秦虎狼之國不
可信不如無行懷王稚子子蘭勸王行秦何絕秦歡懷
王卒行入武關秦伏兵絕其後因留懷王以求割地懷

欽定四庫全書

卷一百三十三

三

王怒不聽亡走趙趙不內復之秦竟死於秦而歸葬長
子頃襄王立以其弟子蘭為令尹楚人既咎子蘭以勸
懷王入秦而不反也屈平既嫉之雖放流瞻顧楚國繫
心懷王不忘欲反冀幸君之一悟俗之一改也其存君
興國而欲反覆之一篇之中三致志焉然終無可奈何
故不可以反卒以此見懷王之終不悟也人君無愚智
賢不肖莫不欲求忠以自為舉賢以自佐然亡國破家
相隨屬而聖君治國累世而不見者其所謂忠者不忠

而所謂賢者不賢也懷王以不知忠臣之分故內惑於鄭袖外欺於張儀疏屈平而信上官大夫令尹子蘭兵挫地削亡其六郡身客死於秦為天下笑此不知人之禍也易曰井渫不食為我心恻可以汲王明並受其福王之不明豈足福哉令尹子蘭聞之大怒卒使上官大夫短屈原於頃襄王頃襄王怒而遷之屈原至於江濱被髮行吟澤畔顏色憔悴形容枯槁漁父見而問之曰子非三閭大夫歟何故而至此屈原曰舉世混濁而我獨清衆人皆醉而我獨醒是以見放漁父曰夫聖人者不凝滯於物而能與世推移舉世混濁何不隨其流而揚其波衆人皆醉何不鋪其糟而啜其醪何故懷瑾握瑜而自令見放為屈原曰吾聞之新沐者必彈冠新浴者必振衣人又誰能以身之察察受物之汙汙者乎寧赴常流而葬乎江魚腹中耳又安能以皓皓之白而蒙世之溫蠖乎乃作懷沙之賦於是懷石遂自投汨羅以死

新序屈原者楚之同姓大夫有博通之知清廉之行懷王用之秦欲吞滅諸侯并兼天下屈原為楚東使

於辭以結強索秦國惠之使張儀之楚貨楚貴臣上官大夫新尚之屬上及令尹子蘭司馬子椒內路夫人鄭袖共譖屈原屈原遂放於外乃作離騷漢書屈原賦二十五篇

楚辭離騷帝高陽之苗裔兮朕皇考曰伯庸攝提貞于孟陬兮惟庚寅吾以降皇覽揆余于初度兮肇錫余以嘉名名余曰正則兮字余曰靈均紛吾既有此內美兮又重之以修能扈江離與辟芷兮紉秋蘭以為佩汨余若將弗及兮恐年歲之不吾與朝搴阰之木蘭兮夕攬中洲之宿莽日月忽其不淹兮春與秋其代序惟草木之零落兮恐美人之遲暮不撫壯而棄穢兮何不改乎此度也乘騏驎以馳騁兮來吾道夫先路昔三后之純粹兮固衆芳之所在雜申椒與菌桂兮豈惟紉夫蕙茝彼堯舜之耿介兮既遵道而得路何桀紂之昌被兮夫惟捷徑以窘步惟黨人之偷樂兮路幽昧以險隘豈余身之憚殃兮恐皇輿之敗績忽奔走以先後兮及前王之踵武荃不揆余之中情兮反信讒而齎怒余固知謇謇之為患兮余忍而不能舍也指九天以為正兮夫惟靈

修之故也曰黃昏以為期羗中道而改路初既與余成
言兮後悔遁而有他余既不難夫離別兮傷靈修之數
化余既滋蘭之九畹兮又樹蕙之百畹畦留夷與揭車
兮雜杜衡與芳芷冀枝葉之峻茂兮願歲時乎吾將刈
雖萎絕其亦何傷兮哀衆芳之蕪穢衆皆競進而貪婪
兮憑不厭乎求索羗內怨己以量人兮各興心而嫉妬
忽馳騫以追逐兮非余心之所急老冉冉其將至兮恐
修名之不立朝飲木蘭之墜露兮夕餐秋菊之落英苟
欽定四庫全書
卷一百三十二
六

以追曲兮競周容以為度怵鬱邑余佗傺兮吾獨窮困
乎此時也寧溘死以流亡兮余不忍為此態也驚鳥之
不羣兮自前世而固然何方圜之能周兮夫孰異道而
相安屈心而抑志兮忍尤而攘詬伏清白以死直兮固
前聖之所厚悔相道之不察兮延佇乎吾將反回朕車
以復路兮及行迷之未遠步余馬於蘭皋兮馳椒丘且
焉止息進不入以離尤兮退將復修吾初服製芰荷以
為衣兮集芙蓉以為裳不吾知其亦已兮苟余情其信
芳高余冠之岌岌兮長余佩之陸離芳與澤其雜糅兮
惟昭質其猶未虧忽反顧以遊目兮將往觀乎西荒佩
繽紛其繁飾兮芳菲菲其彌章民生各有所樂兮余獨
好修以為常雖體解吾猶未變兮非余心之可懲女嬃
之嬋媛兮申申其詈余曰鮀婞直以亡身兮終然殀乎
羽之野汝何博謔而好修兮紛獨有此姱節薺菜施以
盈室兮判獨離而不服衆不可戶說兮孰云察余之中
情世並舉而好朋兮夫何幾獨而不余聽依前聖以節

中兮喟憑心而歷茲濟沅湘以南征兮就重華而徵詞
啟九辯與九歌兮夏康娛以自縱不顧難以圖後兮五
子用失乎家巷羿淫遊以佚田兮又好射夫封狐國亂
流其鮮終兮泥又貪夫厥家澆身被於強圉兮縱欲殺
而不忍日康娛以自忘兮厥首用夫顛隕夏桀之常違
兮乃遂焉而逢殃后辛之菹醢兮殷宗用之不長湯禹
嚴而祇敬兮周論道而莫差舉賢而授能兮修繩墨而
不頗皇天無私阿兮覽民德焉錯輔夫惟聖哲以茂行

欽定四庫全書

卷一百三十二

兮苟得用此下土瞻前而顧後兮相觀民之計極夫孰
非義而可用兮孰非善而可服貼余身而危死兮覽余
初其猶未悔不量鑿而正衲兮固前修以道醢曾獻歎
余鬱邑兮哀朕時之不當搢茹蕙以掩涕兮霑余襟之
浪浪跪敷衽以陳辭兮耿吾既得此中正馳玉虬以乘
鸞兮溘埃風余上征朝發軔於蒼梧兮夕余至乎縣圃
欲少留此靈瑱兮日忽忽其將暮吾令羲和弭節兮望
崦嵫而未迫路曼曼其修遠兮吾將上下而求索飲余

馬於咸池兮總余轡乎扶桑折若木以拂日兮聊逍遙
以相羊前望舒使先驅兮後飛廉使奔屬鸞皇為余前
戒兮雷師告余以未具吾令鳳皇飛騰兮繼之以日夜
飄風屯其相離兮率雲霓而來御紛總總其離合兮班
陸離其上下吾令帝閭開關兮倚閭闔而望予時暖暖
其將罷兮結幽蘭以延佇世溷濁而不分兮好蔽美而
嫉妬朝吾將濟於白水兮登閼風而緹馬忽反顧以流
涕兮哀高邱之無女溘吾遊此春宮兮折瓊枝以繼佩

欽定四庫全書

卷一百三十二

及榮華之未落兮相下女之可詒吾令豐隆乘雲兮求
宓妃之所在解佩纕以結言兮吾令蹇修以為理紛總
總其離合兮忽緯繆其難遷夕歸次於窮石兮朝濯駿
乎洧盤保厥美以驕敖兮日康娛以淫遊雖信美而無
禮兮來違棄而改求覽相觀於四極兮周流乎天余乃
下望瑤臺之偃蹇兮見有娥之佚女吾令鳩為媒兮鳩
告余以不好雄鳩之鳴逝兮余猶惡其佻巧心猶豫而
狐疑兮欲自適而不可鳳皇既受詒兮恐高辛之先我

欲遠集而無所止兮聊浮遊以逍遙及少康之末家兮
留有虞之二姚理弱而媒拙兮恐導言之不固世溷濁
而嫉賢兮好蔽善而稱惡閨中既遠遠兮哲王又不寤
懷朕情而不發兮余焉能忍與此終古索蕢茅以筵筭
兮命靈氛為余占之曰兩美其必合兮孰信修而慕之
思九州之博大兮豈惟是其有女曰勉遠逝而無狐疑
兮孰求美而釋女何所獨無芳草兮爾何懷乎故宇世
幽昧以眩曜兮孰云察余之善惡民好惡其不同兮惟
此黨人其獨異戶服艾以盈要兮謂幽蘭其不可佩覽
察草木其猶未得兮豈理美之能當蘇冀壤以充幃兮
謂申椒其不芳欲從靈氛之吉占兮心猶豫而狐疑巫
咸將夕降兮懷椒糈而要之百神翳其備降兮九疑繽
其並迎皇剡剡其揚靈兮告余以吉故曰勉升降以上
下兮求矩矱之所同湯禹儼而求合兮摯咎繇而能調
苟中情其好修兮又何必用夫行媒說操策於傅巖兮
武丁用而不疑呂望之鼓刀兮遭周文而得舉甯戚之

謳歌兮齊桓聞以該輔及年歲之未晏兮時亦猶其未
央恐鵲鳩之先鳴兮使夫百草為之不芳何瓊佩之偃
蹇兮衆蓀然而蔽之惟此黨人之不諒兮恐嫉妬而折
之時續紛以變易兮又何可以淹留蘭芷變而不芳兮
荃蕙化而為茅何昔日之芳草兮今直為此蕭艾也豈
其有他故兮莫好修之害也余以蘭為可恃兮羌無實
而容長委厥美以從俗兮苟得列乎衆芳椒專佞以慢
幽兮椒又欲充夫佩幃既干進而務入兮又何芳之能
祇固時俗之從流兮又孰能無變化覽椒蘭其若茲兮
又况揭車與江離惟茲佩其可貴兮委厥美而歷茲芳
菲菲而難虧兮芬至今猶未沫和調度以自娛兮聊浮
游而求女及余飾之方壯兮周流觀乎上下靈氛既告
余以吉占兮歷吉日乎吾將行折瓊枝以為羞兮精瑋
靡以為報為余駕飛龍兮雜瑤象以為車何離心之可
同兮吾將遠逝以自疏遭吾道夫崑崙兮路修遠以周
流揚雲霓之晻霭兮鳴玉鸞之啾啾朝發軔於天津兮

夕余至乎西極鳳凰翼其承旂兮高翔翔之翼翼忽吾
行此流沙兮遵赤水而容與虺蛟龍以梁津兮詔西皇
使涉余路修遠以多艱兮騰衆車使徃待路不周以左
轉兮指西海以為期也余車其千乘兮齊玉軼而並馳
駕八龍之婉婉兮載雲旗之委蛇抑志而弭節兮神高
馳之邈邈秦九歌而舞韶兮聊暇日以媮樂陟陞皇之
赫戲兮忽臨眺夫舊鄉僕夫悲余馬懷兮蜷局顧而不
行亂曰已矣哉國無人莫我知兮又何懷乎故都既莫

欽定四庫全書

卷一百三十二

十三

足與為美政兮吾將從彭咸之所居

○王逸曰離騷經者屈原之所作也

屈原與楚同姓仕於懷王為三閭大夫三閭之職掌王族三姓曰昭屈景屈原序其譜屬率其賢良以屬國士入則與王圖議政事決定嫌疑出則監察羣下應對諸侯謀行職修王甚珍之同列大夫上官靳尚妬害其能共譖毀之王乃疏屈原屈原執履忠貞而被謾表憂心煩亂不知所思乃作離騷經離別也騷愁也經往也言以放逐離別中心愁思猶陳直往以風諫君也故上述唐虞三后之制下序桀紂之亂其君覺悟反於正道而還己也是時秦昭王使張儀誘詐懷王令絕齊交又使蔣楚請與俱會武關遂脅與俱歸拘留不遣卒客死於秦其子襄王復用讒言遷屈原於江南而屈原故在山野復作九章援天引聖以自證明終不見省不忍以清白久居濁世遂赴汨淵自沈而死離騷之文依詩取興引新譬喻故善為香草以配忠貞急禽臭物以比

諫使靈修美人以蛾於君宓妃佚女以譬賢臣此龍鳳以託君子風雲霓以爲小人其詞溫而雅其義皎而朗凡百君子莫不慕其清高嘉其文采哀其不遇而閔其志焉又心離龍自風雅寢聲莫或抽緒奇文蔚起其辭雖離哉固已軒著詩人之後奮飛辭家之前豈去聖之未遠而楚人之多才乎昔漢武愛騷而淮南作傳以爲國風好色而不淫小雅怨誹而不亂若離騷者可謂兼之蟬蛻蠹濁之中浮游塵埃之外峭然淫而不編雖與日月爭光可也班固以爲靈才揚己忿懣沈江羿流二姚與左氏不合崑崙崑崙離騷之文依經立義駢然爲詩人麗雅爲詞賦之宗雖非明哲可謂妙才王逸以爲詩人表六龍崑崙崑崙流沙則禹貢數土名儒解賦莫不擬其儀合經術揚雄賦亦言體同詩雅四家舉以方經而孟堅謂不合傳襲取任聲抑揚過實可謂鑒而弗精觀而

欽定四庫全書

卷一百三十二

十三

未覈者也將覈其論必徵言焉故其陳堯舜之耿介稱禹湯之祗敬典誥之體也譏桀紂之猖披傷羿澆之顛隕規風之旨也虬龍以喻君子雲霓以譬讒邪比興之義也每一顧而掩涕歎君門之九重忠怨之辭也觀茲四事同於風雅者也至於託雲龍說迂怪豐隆求宓妃鴛鳥媒城女說異之辭也康回傾地夷羿彈日木夫九首土伯三日罔怪之談也依彭咸之遺則從子胥以自適猶狹之志也士女難坐亂而不介指以爲樂娛酒不廢沈湎日夜樂以爲歡荒淫之意也擬此四事異乎經典者也故論其典詰則如彼語其誇誕則如此固知楚辭者離騷於三代而風雅於戰國乃雅頌之博徒而詞賦之英傑也觀其骨鯁所樹肌膚所附雖取經意亦自鑄偉辭故騷經九章朗麗以哀志九歌九辨綺靡以傷情遠遊天問瑰詭而惠巧招魂大招耀艷而源華卜居標放言之致漁父寄獨往之才故能氣往轢古辭來切今驚采絕艷難與並能矣自九懷已下遽躡其跡而

屈宋逸步美之能追故其叙情怨則鬱伊而易感述離
居則愴快而難懷論山水則備舉而得觀言節候則依
文而見時枚賈追風以入麗馬揚泓波而得奇其衣被
詞人非一代也故才高者死其鴻裁中巧者觀其艷辭
吟諷者銜其山川重蒙者拾其香草若能悉其以倚雅
頌應譽以駁楚篇酌奇而不失其貞玩華而不墜其實
則顧盼可以驅辭力秋唾可以窮文致亦不復乞靈於
長仰假寵於子淵矣讚曰不有屈原豈見離騷驚才風
逸壯志煙高山川無極情理 九
實勞金相玉式艷溫端亮 歌吉日兮辰良穆將愉

方上皇撫長劍方玉珥環鏘鳴方琳琅瑤席方玉璫盍
將把方瓊芳蕙肴蒸方蘭藉奠桂酒方椒漿揚枻方拊

鼓疏緩節方安歌陳琴瑟方浩倡靈偃蹇方姱服芳菲

欽定四庫全書

卷一百三十二

十四

非方滿堂五音紛方繁會君欣欣方樂康

○東皇太一

浴

蘭湯方沐芳華采衣方若英靈連蜷方既留爛昭昭方

未央蹇將憺方壽宮與日月方齊光龍駕方帝服聊翱

遊方周章靈皇皇方既降焱遠舉方雲中覽冀州方有

餘橫四海方焉窮思夫君方太息極勞心方懔懔

○雲中君

君不行方夷猶蹇誰留方中洲美要眇方宜修沛吾乘

方桂舟令沅湘方無波使江水方安流望夫君方未來

吹參差方誰思駕飛龍方北征遭吾道方洞庭薜荔拍

兮蕙綢繅橈兮蘭旌望澤陽兮極浦橫大江兮揚靈揚

靈兮未極女嬋媛兮為余太息橫流涕兮潺湲隱思君

兮徘徊桂櫂兮蘭枻斷冰兮積雪采薜荔兮水中寒英

蓉兮木末心不同兮媒勞恩不甚兮輕絕石蘭兮淺淺

飛龍兮翩翩交不忠兮怨長期不信兮告余以不閒鼂

騁騫兮江皋夕弭節兮北渚鳥次兮屋上水周兮堂下

捐余玦兮江中遺余佩兮澧浦采芳洲兮杜若將以遺

方下女時不可方再得聊逍遙兮容與

○湘君

帝子降

欽定四庫全書

卷一百三十二

十五

兮北渚目眇眇兮愁余嫋嫋兮秋風洞庭波兮木葉下

登白蘋兮騁望與佳期兮夕張鳥何萃兮蘋中春何為

兮木上沅有芷兮澧有蘭思公子兮未敢言恍惚兮遠

望觀流水兮潺湲廉何為兮庭中蛟何為兮水裔朝馳

余馬兮江皋夕濟兮西澨聞佳人兮召予將騰駕兮偕

逝築室兮水中葺之兮荷蓋蓀壁兮紫壇荆芳椒兮盈

堂桂棟兮蘭橈辛夷楣兮葍房罔薜荔兮為帷擗蕙櫂

兮既張白玉兮為鎮疏石蘭兮為芳芷葺兮荷屋繚之

兮杜衡合百草兮寔庭建芳馨兮蕪門九疑續兮並迎
靈之來兮如雲捐余袂兮江中遺余襟兮漣浦寒汀洲
兮杜若將以遺兮遠者時不可兮驟得聊逍遙兮容與
○湘夫人廣開兮天門紛吾乘兮玄雲令飄風兮先驅使
凍雨兮灑塵君回翔兮以下踰空桑兮從女紛總總兮
九州何壽夭兮在予高飛兮安翔乘清氣兮御陰陽吾
與君兮齊速道帝之兮九阏靈衣兮披披玉佩兮陸離
壹陰兮壹陽衆莫知兮余所為折疏麻兮瑤華將以遺
欽定四庫全書
兮離居老冉冉兮既極不漫近兮愈疏乘龍兮翺翺高
馳兮冲天結桂枝兮延晷羗愈思兮愁人兮奈何
願若今兮無虧固人命兮有當孰離合兮可為○大司命
蘼蘭兮麝蕪羅生兮堂下綠葉兮素枝芳菲菲兮襲予
夫人兮自有美子孫何以兮愁苦蘼蘭兮青青綠葉兮
紫莖滿堂兮美人忽獨與余兮目成入不言兮出不辭
乘回風兮載雲旗悲莫悲兮生別離樂莫樂兮新相知
荷衣兮蕙帶條而來兮忽而逝夕宿兮帝郊君誰須兮

雲之際與女遊兮九河衝風至兮水揚波與女沐兮咸
池晞女髮兮陽之阿望美人兮未來臨風恍兮浩歌孔
蓋兮翠旌登九天兮撫彗星疎長劍兮擁幼艾荃獨宜
兮為民正○少司命暵將出兮東方照吾檻兮扶桑撫余
馬兮安驅夜皎皎兮既明駕龍輶兮乘雷載雲旗兮委
蛇長太息兮將上心佐仞兮顧懷羗色聲兮娛人觀者
憺兮忘歸絃瑟兮交鼓蕭鐘兮瑤簫鳴飀兮吹竽思靈
保兮賢姱翺飛兮翠曾展詩兮會舞應律兮合節靈之
欽定四庫全書
來兮蔽日青雲衣兮白霓裳舉長矢兮射天狼操余弧
兮反淪降援北斗兮酌桂漿撰余轡兮高馳翔杳冥冥
兮以東行○東君與女遊兮九河衝風起兮水橫波乘
水車兮荷蓋駕兩龍兮騖螭登崑崙兮四望心飛揚兮
浩蕩日將暮兮悵忘歸惟極浦兮寤懷魚鱗屋兮龍堂
紫貝闕兮朱宮靈何為兮水中乘白鼉兮逐文魚與女
遊兮河之渚流澌紛兮將來下子交手兮東行送美人
兮南浦波滔滔兮來迎魚鱗鱗兮騰予○河伯若有人

兮山之阿被薜荔兮帶女蘿既含睇兮又宜笑子慕予
兮善窈窕乘赤豹兮從文狸辛夷車兮結桂旗被石蘭
兮帶杜衡折芳馨兮遺所思余處幽篁兮終不見天路
險難兮獨後來表獨立兮山之上雲容容兮而在下杳
冥冥兮羌晝晦東風飄飄兮神靈雨留靈修兮憺忘歸
歲既晏兮孰華予采三秀兮於山間石磊磊兮葛蔓蔓
怨公子兮悵忘歸君思我兮不得聞山中人兮芳杜若
飲石泉兮蔭松柏君思我兮然疑作露漙漙兮雨冥冥
欽定四庫全書

卷一百三十二

九

○山 援啾啾兮秋夜鳴風颯颯兮木蕭蕭思公子兮徒離憂
鬼 操吳戈兮被犀甲車錯轂兮短兵接旌蔽日兮
敵若雲矢交墜兮士爭先凌余陳兮躡余行左騶殪兮
右刃傷靈輿兩輪兮紮四馬援玉枹兮擊鳴鼓天時墜兮
威靈怒嚴殺盡兮棄原野出不入兮往不反平原忽兮
路超遠帶長劍兮挾秦弓首雖離兮心不懲誠既勇兮
又以武終剛強兮不可凌身既死兮神以靈魂魄毅兮
為鬼雄○國 盛禮兮會鼓傳芭兮代舞姁女倡兮容

與春蘭兮秋菊長無絕兮終古

○禮堯○王遠曰九歌者屈原之所作也昔楚

國南郢之邑沅湘之間其俗信鬼而好祀其祠必作歌樂鼓舞以樂諸神屈原放逐竄伏其域出見俗人祭祀之禮歌舞之樂其詞鄙陋因為九歌之曲上陳事神之歡下以見己之寃結託之以風諫問曰遂

古之初誰傳道之上下未形何由考之冥昭瞢闇誰能極之馮翼惟像何以識之明明闇闇惟時何為陰陽三合何本何化圓則九重孰營度之惟茲何功孰初作之幹維焉繫天極焉加八柱何當東南何虧九天之際安放安屬隅隈多有誰知其數天何所沓十二焉分日月欽定四庫全書

卷一百三十二

九

安屬列星安陳出自湯谷次於蒙汜自明及晦所行幾里夜光何德死則又育厥利維何而顧菟在腹女岐無合夫焉取九子伯強何處惠氣安在何闔而晦何開而明角宿未旦曜靈安藏不任汨鴻師何以尚之僉答何憂何不課而行之鴟龜曳銜鉉何聽焉順欲成功帝何刑焉永遏在羽山夫何三年不施伯禹腹鉉夫何以變化纂就前緒遂成考功何續初繼業而厥謀不同洪泉極深何以寘之地方九則何以墳之應龍何畫河海何

歷鮪何所營禹何所成康回馮怒地何故以東南傾九
州何錯川谷何滂東流不溢孰知其故東西南北其修
孰多南北順嶺其衍幾何崑崙縣圃其尻安在增城九
重其高幾里四方之門其誰從焉西北闢啟何氣通焉
日安不到燭龍何照羲和之未揚若華何光何所冬暖
何所夏寒焉有石林何獸能言焉有虬龍負熊以遊雄
虺九首儵忽焉在何所不死長人何守靡萍九衢桑華
安居一蛇吞象厥大何如黑水玄趾三危安在延年不
歆定四庫全書
卷一百三十二
主
死壽何所止鯨魚何所魋堆焉厥羿焉彈日焉解羽
禹之力獻功降省下土四方焉得彼僉山女而通之于
台桑閔妃匹合厥身是繼胡維嗜欲不同味而快鼂飽
啟代益作后卒然離蠶何啟惟憂而能拘是達昏歸射
籥而無害厥躬何后益作革而禹播降啟棘賓商九辯
九歌何勤子屠母而死分竟隆帝降夷羿草孽夏民胡
羿射夫河伯而妻彼雒嬪馮珧利決封禪是射何獻蒸
肉之膏而后帝不若浞娶純狐眩妻爰謀何羿之射草

而交吞揆之阻窮西征巖何越焉化而為黃熊巫何活
焉咸播秬黍莆蕰是營何由并投而鮪疾修盈白蜺嬰
弟胡為此堂安得夫良藥不能固臧天式從橫陽離爰
死大鳥何鳴夫焉喪厥體萍號起雨何以興之撰體協
脅鹿何膺之鼇戴山抃何以安之釋舟陵行何以遷之
惟澆在戶何求于嫂何少康逐犬而顛隕厥首女歧縫
裳而館同爰止何顛易厥首而親以逢殆湯謀易旅何
以厚之覆舟斟尋何道取之桀伐蒙山何所得焉妹嬉
歆定四庫全書
卷一百三十二
主
何肆湯何殛焉舜閔在家父何以縲堯不姚告二女何
親厥萌在初何所意焉璜臺十城誰所極焉登立為帝
執道尚之女媧有體孰制匠之舜服厥弟終然為害何
肆大豕而厥身不危敗吳獲迄古南嶽是止孰期去斯
得兩男子緣鵠飾玉后帝是饗何承謀夏桀終以滅喪
帝乃降觀下逢伊摯何條放致罰而黎伏大說簡狄在
臺嚳何宜玄鳥致貽女何喜該秉季德厥父是臧胡終
弊於有扈牧夫牛羊干協時舞何以懷之平脅曼膚何

以肥之有扈牧豎云何而逢擊牀先出其命何從恒秉
季德焉得夫朴牛何往營班祿不但還來昏微猶迹有
狄不寧何繁鳥萃棘負子肆情眩弟並淫危害厥兄何
變化以作詐後嗣而逢長成湯東巡有萃爰極何乞彼
小臣而吉妃是得水濱之木得彼小子夫何惡之勝有
莘之婦湯出重泉夫何辜尤不勝心伐帝夫誰使挑之
會龜爭盟何踐吾期蒼鳥羣飛孰使莘之列擊紂躬叔
旦不嘉何親揆發定周之命以咨嗟授殷天下其位安
欽定四庫全書

既驚帝切激何逢長之伯昌號衰秉鞭作牧何令微彼
岐社命有殷之國遷藏就岐何能依殷有惑婦何所譏
受賜茲醢西伯上告何親就上帝罰殷之命以不救師
望在肆昌何志鼓刀揚聲后何喜武發殺殷何所悒載
尸集戰何所急伯林雉經維其何故何感天抑墜夫誰
畏懼皇天集命惟何戒之受禮天下又使至代之初湯
臣摯後茲承輔何卒官湯尊食宗緒勲闔夢生少離散
亡何壯武厲能流厥嚴彭鏗斟雉帝何饗壽永多夫何
久長中央共牧后何怒讎蟻微命力何固驚女采薇鹿
何祐北至回水萃何喜凡有噬犬弟何欲易之以百兩
卒無祿薄暮雷電歸何憂厥嚴不奉帝何求伏匿穴處
爰何云荆黜作師夫何長先悟過改更我又何言吳光
爭國久余是勝何環穿自閭社丘陵爰出子文吾告堵
敖以不長何試上自子忠名彌彰

○王逸曰天問者屈原之所作也屈原故

逐憂心悲憐楚有先王之廟及公卿祠堂圖畫天地山川神靈琦琤儻佹及古聖賢怪物行事因書其壁呵而問之以潔憤懣故

其文義不次敘云爾

連悲時俗之迫阨芳願輕舉而

遠遊質菲薄而無因兮馬託乘而上浮遭沈濁而汙穢
兮獨鬱結其誰語夜炯炯而不寐兮魂營營而至曙惟
天地之無窮兮哀人生之長勤往者余弗及兮來者吾
不聞步徙倚而遙思兮怡懽悅而永懷意荒忽而流蕩
兮心愁悽而增悲神倏忽而不返兮形枯槁而獨留內
惟省以端操兮求正氣之所由漠虛靜以恬愉兮澹無
為而自得聞赤松之清塵兮願承風乎遺則貴真人之
休德兮羨往世之登仙與化去而不見兮名聲著而日
欽定四庫全書
卷一百三十二
延奇傳說之託辰星兮羨韓衆之得一形穆穆以浸遠
兮離人羣而遁逸因氣變而遂曾舉兮忽神竦而鬼怪
時髣髴以遙見兮精皎皎以往來絕氛埃而淑尤兮終
不及其故都免衆患而不思兮世莫知其所如恐天時
之代序兮耀靈畢而西征微霜降而下淪兮悼芳草之
先零聊仿佯而逍遙兮永歷年而無成誰可與玩斯遺
芳兮晨向風而抒情高陽邈以遠兮余將焉所程重曰
春秋忽其不淹兮奚久留此故居軒轅不可攀援兮吾

將從王喬而娛戲殄六氣而飲沆瀣兮漱正陽而含朝
霞保神明之清澄兮精氣入而羣穢除順凱風以從遊
兮至南巢而壹息見王子而宿之兮審壹氣之和德曰
道可受兮不可傳其小無內兮其大無垠無滯滑而魂
兮彼將自然壹氣孔神兮於中夜存虛以待之兮無為
之先庶類以成兮此德之門聞至貴而遂徂兮忽乎吾
將行仍羽人於丹丘兮留不死之舊鄉朝濯髮於湯谷
兮夕晞余身兮九陽吸飛泉之微液兮懷琬琰之華英
欽定四庫全書
卷一百三十二
玉色頰以晚顏兮精醇粹而始壯質銷鑠以灼約兮神
要眇以淫放嘉南州之炎德兮麗桂樹之冬榮山蕭條
而無獸兮野寂寞乎無人載營魄而登霞兮掩浮雲而
上征命天閭其開闢兮排閭闔而望予召豐隆使先導
兮問太微之所居集重陽入帝宮兮造旬始而觀清都
朝發軔於太儀兮夕始臨乎微於閭屯余車之萬乘兮
紛容與而並馳駕八龍之婉婉兮載雲旗之逶蛇建雄
虹之采旄兮五色雜而炫耀服偃蹇以低昂兮騁連蜷

以騎驚騎膝葛以雜亂兮斑漫衍而方行撰余轡而正策兮吾將過乎勾芒歷太皓以右轉兮前飛廉以啟路陽杲杲其未光兮凌天地以徑度風伯為余先驅兮辟氛埃而清涼鳳凰翼其承旂兮遇蓐收乎西皇擊彗星以為旂兮舉斗柄以為麾叛陸離其上下兮遊驚霧之流波皆曉曉其曠莽兮召玄武而奔屬後文昌使掌行兮選署衆神以並轡路曼曼其悠遠兮徐弭節而高厲左雨師使徑侍兮右雷公以為衛欲遠度世以忘歸兮

樂博衍無終極兮焉乃逝以徘徊舒并節以馳騫兮連絕垠乎寒門軼迅風於清源兮從顓頊乎增冰歷玄冥以邪徑兮乘間維以反顧召黔羸而見之兮為余先乎平路經營四荒兮周流六漠上至列戲兮降望大壑下崢嶸而無地兮上寥廓而無天視條忽而無見兮聽惝怳而無聞超無為以至清兮與太初而為鄰○王逸曰原之所作也屈原願方直之行不容於世遂做妙思託配仙人與俱遊戲周歷天地無所不到然猶懷念楚國思慕舊故是以君子珍重其志而諱其辭焉 屈原既放三年不得復見

竭知盡忠而蔽鄣於讒心煩慮亂不知所從乃往見太卜鄭詹尹曰余有所疑願因先生決之詹尹乃端策拂龜曰君將何以教之屈原曰吾寧悃悃款款朴以忠乎將送往勞來斯無窮乎寧誅鋤草茅以力耕乎將游大人以成名乎寧正言不諱以危身乎將從俗富貴以媮生乎寧超然高舉以保真乎將呴訥嚚斯喔咻儒兒以事婦人乎寧廉潔正直以自清乎將突梯滑稽如脂如韋以絜楹乎寧昂昂若千里之駒乎將汜汜若水中之

鳬乎與波上下偷以全吾軀乎寧與騏驎亢軼乎將隨
驚馬之迹乎寧與黃鵠比翼乎將與雞鶩爭食乎此孰
吉孰凶何去何從世濁濁而不清蟬翼為重千鈞為輕
黃鐘毀棄瓦釜雷鳴譏人高張賢士無名吁嗟默默兮
誰知吾之廉貞詹尹乃釋策而謝曰夫尺有所短寸有
所長物有所不足智有所不明數有所不逮神有所不
通用君之心行君之意龜策誠不能知此事○王連曰
原之所作也屈原履忠貞之性而見嫉妒念親仕之臣
承君順非而蒙富貴已執忠直而身故棄心迷意惑不
知所為乃往至太卜之家猶問神明決之者龜卜已
居世何所宜行其問異策以定嫌疑故曰卜居也
欽定四庫全書
父屈原既放遊於江潭行吟澤畔顏色憔悴形容枯槁
漁父見而問之曰子非三閭大夫與何故至於斯屈原
曰舉世皆濁而我獨清衆人皆醉而我獨醒是以見放
漁父曰夫聖人者不凝滯於物而能與世推移舉世皆
濁何不渥其泥而揚其波衆人皆醉何不餽其糟而飲
其醪何故懷瑾握瑜而自令放為屈原曰吾聞之新沐
者必彈冠新浴者必振衣安能以身之察察受物之汶

汶者乎寧赴湘流葬於江魚之腹中又安能以皎皎之
白而蒙世俗之塵埃乎漁父莞爾而笑鼓枻而去歌曰
滄浪之水清兮可以濯吾纓滄浪之水濁兮可以濯吾
足遂去不復與言○王連曰漁父者屈原之所作也屈
變易而漁父避世隱身釣魚江湖飲然自樂
時遇屈原川澤之城怪而問之遂相應答焉九惜誦
以致慰兮發憤以抒情所非忠而言之兮指蒼天以為
正令五帝以折中兮戒六神與嚮服俾山川以備御兮
命咎繇使聽直竭忠誠以事君子兮反離羣而贅朕忘
欽定四庫全書
像媚以背衆兮待明君其知之言與行其可迹兮情與
貌其不變故相臣莫若君兮所以證之而不遠吾誼先
君而後身兮羌衆人之所仇專惟君而無他兮又衆兆
之所譽壹心而不豫兮羌不可保疾親君而無他兮有
招禍之道思君其莫我忠兮忽忘身之賤貧事君而不
貳兮迷不知寵之門忠何罪以遇罰兮亦非余心之所
志行不羣以巔越兮又衆兆之所咤紛逢尤以離謗兮
謇不可釋情沈抑而不達兮又蔽而莫之白心鬱邑余